



UNIVERSITÄTS-
BIBLIOTHEK
PADERBORN

Universitätsbibliothek Paderborn

Memoriale Microsynodi Norinbergen.

Mosham, Ruprecht von

[Köln], 1539

VD16 M 6432

Responsvm Theodidacticvm Rudberti à Mosham Doct. Decani Patauien, ad
quæstionem & sophisma Andreaë Osiandri, ...

urn:nbn:de:hbz:466:1-36750

Zum dritten/ist den Predicāten/dyses geschichtes
relation vñ handlung/ so in ainem Raet zu Nürnberg
vor den Syben verordneten herren vnd personen fürge-
bracht/ als für vñnd an stadt der vierden geschriffte/ ain
Copey vberantwort vñnd zůgestellt worden.

Zu letzte/ & post scripta, ist ynē auch ein geschriffte
vberbracht vnd eingeschlossen worden/ welche Andream
Osiandrum/ ainex sonndern Sophisterey vñnd spitzfin-
digkeyt halben (dy er wider des Lūmbrechtants leere er-
funden vñnd eingefürt) betriffte/ welcher Titel gewesen
wie volgt.

RESPONSVM THEODIDACTICVM

Rudberti à Mosham Doct. Decani Patavien.

ad quæstionem & sophisma Andreae Osiandri,

quod astute ad confutandam & eleuandam

deificatam illam Vnitrinitatem uerbi, cæli-

tus donatam & repertam, nempe uerbi, fi-

dei, & charitatis, confinxit & in medium

pduxit, in præsentia suorum collegarum,

Norinbergæ xiiij. Octob. 1559.

c ij

MEMORIALE MICROSYNODI

Aluff dyse oberzette sünnt geschuffen / haben die
 billgedachten vier Hauptpredicanten zu Nürenberg/
 gleich woll durch ainen sendebrieff (gedachtem Thamb
 techant gen Alschaffenburg / alda die selbe zeyt mein Se
 nedigster herr Cardinal vnd Erzbischoff zu Weynitz
 ꝛc. hoffgehaltenn / zugeschickt) geantwortet. Aber also
 flüchtig / zencfisch / alfantzisch / vnd on allen grunde der
 geschuffte vnd des geschichtes / das es allen Lutherschen
 vnd der gantzen irer leere vnd fürnemen / nicht zu klai
 nem abbruch vnd schmeierung / schande vnd spot (wo
 solches an des tags lichte komet) raychen vnd gedeyen
 wirdet. Dann sie haben vber allen iren fürgebrachten vn
 grunde / auch die höchsten fundament vnd puncten / so
 von dem Thambtechant fürgebracht / stillschweigend
 vmbgangen / vñ darauff gar kein antwort gegeben / Also
 das villich jr antwort für kein antwort angesprochen vnd
 gehalten werden sol / als inen dan offtgedachter Thamb
 techant aus Alschaffenburg genügsamblich berichte ges
 ehon vnd zugescriben / vnd solchen seinen gegenberichte
 an dem Erbarh rath zu Nürenberg bey aignem botten
 zugeschickt vnd vbersendet hat / darauff er noch auff heü
 tigen tag / kein antwort erlangen vnd haben mögen.

Vnd wiewol zubesorgen / das die gemelten Pres
 dicanten (wie sy sich dan solches auch in irem sendebrieff

NORINBERGEN.

an gemelte Thambrechtant ausgegangen / schon vernemē
lassen) solche alle ernstliche handlung / mit stillschweis
gen verantworten / aufstige vnd vertrucken wolten / So
ist doch gemelter Thambrechtant eingeschlossen / als ein red
licher diener des worts Christi / das er disen ritterlichen
geystlichen krieg vnd kampff / kaines wegs will behuen
vnd ligen lassen / sonder darinnen fort faren / bissolang
er den ainigen Osiander / als den obrusten Predicanten
zu Nürnberg / *tanquam microcosmum Lutheranism, p
microsynodum Christianam*, reformire vnd restituire
bekere vñ widerwendig mache / oder doch dermassen bloß
gebe vnd entdecke / das alle meniglich in der teütschen
nation / vnd dem heyligen Römischen Reich / vnd vn
ser heiligen Christlichen kirchen / in dem ainigen predi
canten Osiander / vnd nachmals auch in seinen gesellen
vnd mitpredicanten / vnd dannen in der gantzen stadt
Nürnberg / als in ainem clarē polierten spiegel / sehen /
verstehen vnd mercken möge / das die Lutherisch leer / in
dem aller höchsten haubtpuncten christliches lebens vñ
wandels / vnd vnser seelen seligkeit (nemlich was ge
stalt wir vor got gerecht sein vnd werden sollen vnd
mögen) als falsch / irrig / gotloß vnd antichristlich ist /
als etwas in der Römischen kirchen irrig / verfürlich /
gotloß vñ antichristlich immer sein mag / Damit man

MEMORIALE MICROSYNODI

aus dem ainigen predicanten Osiander vnd seiner leer/
 sambt seinen mitgesellen/ vnd auch aus der gannigen
 Stadt Nürnberg/ gleich als aus einer visier/ in einer
 klainen *Mappa mundi*, ain exempel vnd modell/ copien
 vnd abschufft habe/ wie man das ganz Luthertumb
 soll corrigiren vnd emendiren/ bessern vnd bekeren/ Oder
 (wo sy se/ wider jr selbst so offte widerholte erbietten/ sich
 mit der be'len/ claren vnd vniuersallichē Euange
 lischen vnd Apostolischen geschufft/ nicht wöllen weisen
 lassen vnd nachgeben) condemniren vnd verurtheilen.

¶ Vnd damit auch solches verbayl/ erstlich in aines
 jedenn goetliebenden Christen menschen hertzen in son
 derhait/ vnd nachmals auch offentlich vnd in gemain/
 in ainem general freyen/ christlichen Concils/ verfast/
 gefelt vnd eröffnet werden möge. Auff das auch mitler
 zeit/ ain yeder Christglaubiger mensch/ sich vor dyser
 schedlichen/ verderblichen leere/ vnd vor dem Luthertu
 men/ ainschichtigen Mönichs glauben allain/ zehä
 ten/ vnd sich zu dem werckrefftigen glauben/ vñ glaub
 hafftigen wercken/ zu dem rechten dryfaltigē vnd dryai
 nigen/ göelichen glauben allain (darinn Hertz/ Wunde
 vnd That/ im Wore/ Lieb vnd Glaub/ beyeinander
 ist) wisse zu wenden vnd zubeferen.

NORINBERGEN.

Darzu helff uns Got der Vatter / der Son / vnd
 der Heilig geyst / durch sein heyligs Wort / Lieb vnd
 Glaub / vns inn Christo sichebarlich vnd fleischlich / zu
 ainem fürbilde vnd exempel fürgestelt / damit wir durch
 den geyst gottes vernewert / als die geystlichen widerge-
 bornen / newen Creatur gottes / das Wort / Lieb / vnd
 glaub / im fleisch / durch den dwainigen glauben allain /
 im werck / mit der that / nicht mit wercklosen / lieblosen
 worten / durch den ansichichtigen Lucherischen münichs
 glauben / erzügten vnd darbeten / Vnd damit Got
 rechte vnd warhafftiglich gelobe vnd gepreiset / vnd nicht
 in seinem wort vnd in seiner heyligen dwainigkeit / ver-
 spottet werde. Dann wan die Lucherischen sprechen /
 leeren vñ predigen / Der glaub allain mache selig / nicht
 die lieb / nicht die werck des glaubens / nicht die werck der
 liebe / Der glaub allain mache selig / nicht das gesetz /
 Vnd vnterschayden nicht / vnter den wercken des gesetz
 vnd des glaubens / vnter dem gesetz des geysts / vnd des
 fleischs / So ist es eben so falsch / verfürlich / ergerlich vñ
 gotlos / als wan sy sprechen / leeren vnd predigen / Der
 Son allain mache selig / nicht der Vatter / nicht der he-
 llig geyst / Oder / der Vatter allain mache selig / nicht der
 Son / nicht der heilig geyst / Oder auch / der Heilig geyst
 allain mache selig / nicht der Vatter / nicht der Son.

MEMORIALE MICROSYNODI

Das ist allgemeinlich der Lucherischen neuw erfundenen
 Euangelij vnd Theologey/ dadurch sy wol so hoch von
 dem rechten götlichen wort der Euangelischen vnd Apo-
 stolischen leere/ abgewichen vnd gefallen sein/ vnd iren
 subtilen geistliche Antichrist geöffnet/ vnd mit vier lee-
 re vnd mit der that bekennet habē/ als wan man in dem
 Babstumb/ die glaublosen/ lieblosen werck vnd Cere-
 monij/ on den glauben gerhämbe/ gelernt vnd geprediget
 hat. Das was vnd wil gedachter Thambrechtant in ai-
 nem gemainen oder sonderm particular Concilio/ oder
 in ainer jeden vnparteyschen versammlung / vberflüssig
 bezeugen vnd darthun/ Ungezweuelter hoffnung/ die
 billgedachten Lucherischen / werden sich wider die clar/
 vnwidersprechlich geschafte vñ vnüberwintlich warheit
 nit legē/ sond als die mēschen/ sich vor got̄ dises jrumbes
 bekennen vnd schuldig gebē/ damit alle ehre/ lob vñ preiß/
 gottes vñ seines heiligē worts allain bleibe in ewigkait/
 vnd sich kein mensch nit zürhimen habe/ allain in dem
 herrn/ vnd in seinē heyligen wort/ lieb vnd glaub/ in der
 rechten götliche dynamigkait/ dadurch wir vor got̄ rechte
 vnd warhafftiglich/ gerecht/ heilig vnd selig werden.

Was massen vnd gestalt aber/ obermelter Thamb-
 rechtant/ nachmals von Nürnberg aus/ die vier Chur-
 fürsten am Rhein/ nemlich Pfaltz/ Mayntz/ Trier

NORINBERGEN.

vnd Cölln / mit seiner leere besücht / vnd was ernst-
liche / vnerschrockenliche handlung / zu gleich wider das
Babstumb vnd Luchertumb / gedachter Thämtschät
aus seinen büchern / den dreien geistlichen Chärfürsten
hab fürgebracht vnd gegenwertiglich selbst geübt vnd
gehandelt: Was er auch hinfüran / mit der Röm. Kayf.
vñ Röm. W. vñ mit rath / hilff vnd fürderung derselben /
mit der Bapstlichen heyligkeit aigner person gegenwer-
tiglich / auch mit gefertigkeit seines leybs vnd lebens /
gern reden / ermahnen vnd handeln wolt. Das wirdet ain
jeder gotliebēder / Christlicher Leser auß denn kurtzen
summarj auszügen seiner lere / auß den Wäynzischen /
Trierschen vnd Cölnischen *Microsynodis* / auß denn
flainern particular in sonderheit mit iren C. f. S. cele-
brirten vnd gehaltenē Concilien (so ob Got wil in kurtz
auch in druck komen werden) vernemē mögen. Vnd bitte
darauff gedachter Thämtschant / damit ain jeder gotes-
fürchtiger / Christglaubiger mensch vnd leser / Got den all-
mechtigen für jne wölle bitten vnd anruffen / damit sein
redlich vnd christlich fürnehmen / handlung vnd wolman-
nung (als vil die in dem wort gegrünt / got vnd seinē heyligen
namē zu lob vñ ehren / gebraucht vnd geführt wirt)
glückhafftig sey / vnd zu ainē gotseligen ende foregehe /
Durch Christum vnsern herren vnd baylande / Amen.

Ἡ ἀεὶ ἀνεγείσθω κτλ.

•
Omnis iacta sit alea.

Eatur igitur quò Antichristianorum por-
tenta et inimicorum iniquitas uocat, ut osten-
datur potentia Christi, in iugulando Anti-
christo, & ut annuncietur nomen Christi
in tota terra.

VIDET,
DEVS } VIDEBIT, &
 } PROVIDEBIT.

